



PESILAT UPSI bergambar selepas menguasai acara silat olahraga SukIPT di Bangi, semalam.

UPSI jaguh silat olahraga SukIPT, raih 6 emas

BANGI 6 Feb. - Universiti Pendidikan Sultan Idris (UPSI) muncul kuasa baharu acara silat olahraga SukIPT 2018 apabila merangkul 6 pingat emas, dan dua perak daripada 18 pingat emas yang dipertandingkan setelah berakhir acara tersebut semalam.

UPSI merangkul emas menerusi kategori Putra Kelas Coleh (SharulNizam Abdul Roni), Putra Kelas D dan E oleh adik beradik (Amirul Amri Rahim dan Amir Kasturi Rahim), Putra Kelas J (Mohd. Shaheed Md. Shafiee), Putri Kelas F (Nor Aziera Zulkifl) dan (Ahmad Badrirullah Rahmat).

Agak mengejutkan apabila Kolej Komuniti Malaysia (KKM) meningkatkan pencapaian kali ini apabila merangkul 3 pingat emas menerusi acara Putra Kelas I (Tahfiz Irsyaduddin Baharom), Putra



Kelas F (Azfar Shazriq Ishafari) dan Putra G (Wan Muhammad Afiq Wan Ahmad Hasbullah).

Kuasa acara silat olahraga pada Temasya SukIPT 2018, Universiti Teknologi Mara (UiTM) sekadar meraih 3 pingat emas kali ini menerusi acara Putra Kelas B (Muhammad Amirul Basaruddin), Putri Bebas (Adib Hadina Shukor) dan Putri Kelas A (Faradiba Tugiman).

SUKIPT 2018			
KEDUDUKAN PINGAT			
	EMAS	PERAK	GANGSA
UITM	18	18	15
UPM	15	17	14
SUNWAY	13	13	13
TAYLOR	12	9	9
UM	9	9	6
POLITEKNIK	9	5	17
UPSI	8	2	8
UNISZA	7	2	4
HELP	4	0	1

Lain-lain pingat emas menjadi milik Politeknik Malaysia (2 emas), UniSZA (1emas), UPM (1 emas) dan UPM (1 emas).

“Pencapaian kami melebihi sasaran yang sepatutnya iaitu empat pingat emas dan pencapaian kali ini amat membanggakan buat kami semua,” kata jurulatih UPSI, Fazly Mansor.